



## 柱薯

網室內底有幾若穰柱薯發甲誠旺，枝葉綴鐵架一直旋上去，藤鬚纏網仔日愈躡愈懸，親像蜘蛛經絲按呢一沿過一沿，密甲強欲共日頭光闌去。雄雄有一工應該是上頂頭的網仔有破空通躡，一聲就跔上厝頂，上食日的所在煞予伊占去。好佳哉猶有櫛櫛的日花仔會照落來，四月邊仔嘛真通光，內底的韭菜、茄仔、紅鳳菜、九層塔恰番薯葉是較無遐嬌爾，猶有才調生炭落去。

頭起先真正毋捌這是啥物藤仔，有想講前一个厝頭家會共伊種佇網室，定著是有伊的路用，就出在伊去烏白旋。橫直我嘛無彼號閒工通盤過厝頂共藤仔揀掉去。早暗欲沃菜的時陣，加一絲仔工爾爾，繼手總共噴予澹。韭菜、茄仔、紅鳳菜、九層塔恰番薯葉早都挽幾若水過矣，較輪都看無伊有生啥物碗糕出來。

大體仔是冬節彼皎兜，鬚恰葉杳杳仔焦尾，滾忍揆滾閣生刺的藤身嘛同齊蔘去，伸手共拍振動，枝骨仔變焦酥斷做一節一節才落落來，倚藤頭的塗面親像麵龜按呢膨規模閣有必痕。才想欲向落去共掰開的時，拄逾做鄰長的黃先生提一張公所免費注疔狗症的通知單揀來面頭前。都未講著狗仔注射的代誌，煞先褒我整種柱薯。這句話雄雄共我拍醒起來，才知影這幾穰覘佇塗底的好物，正經是柱薯無毋著。

擲 iân-pit-á 共四箍圍仔的塗鋪予鬆，才伸手落去掰，無疑悟愈挖愈深，規模齷-sī-suā 閣歪膏脚斜。舞差不多半點鐘滿身重汗才摺起來，雙手好禮仔共囤起去磅仔頂秤，真正三十斤起起，連我家已嘛去予驚著。

踎邊仔看的黃鄰長教我講後回若欲閣栽新的，愛離塗面半尺深的所在埋半圓形的天溝予柱薯順溝勢咧生。聽候冬尾大甲夠分才來掘，規箍直直足好挖閣袂舞甲大細粒汗，欲提來做料理的時陣，身軀圓輾輾好切、好削皮。

我欲信鄰長伊所點柱的步數，決定有誠大的應效。佇開春欲種新穰的時，專工去五金行買天溝，一節一節先埋入去塗底才栽種子。兩禮拜後正經發新穎的時陣鄰長有來看，伊講這招一必一中，保領有直閣圓的柱薯通食，叫我喙齒磨較利咧。

作者：藍春瑞

### ☆詞彙學習☆

【經絲】kenn-si：吐絲結網。

【上食日】siōng tsiáh-jit：最能曬到太陽的地方。

【日花仔】jit-hue-á：稀疏的陽光。

【通光】thang-kng：透光的；光線良好。

【水】tsuí：量詞；用於計算農、畜產的收穫次數。

【較輪】khah-su：但是；偏偏。

【滾忍揆滾】kún-lún-tsūn-kún：扭曲纏繞。

【iân-pit-á】籬子。

【鋪】tshiah：剷、挖(土)。

【齷-sī-suā】giàng-sī-suā：雜亂不整齊。

【起起】khí-khí：(斤兩)很足。

【夠分】kàu-hun：指事物到達一定的程度或標準，通常用來指水果或其他作物成熟度夠了。

【點柱】tiám-tuh：點醒；暗示。

【保領】pó-niá：保證。